

主編 黃靈庚 陶誠華

上海古籍出版社

金華宗譜文獻集成

4

主編 黃靈庚 陶誠華

上海古籍出版社

金華宗譜文獻集成

4

目錄

金華宗譜文獻集成（義烏宗譜一） 義烏市委宣傳部編

孫志昌輯

陳

一

石樓陳氏宗譜

一

雙溪陳氏宗譜

一一

方

四三

川塘方氏宗譜

四三

孝川方氏宗譜

六九

馮

一〇九

赤岸孝馮氏宗譜

一〇九

傅

二二九

樓存岑門傅氏宗譜

二二九

杜門傅氏宗譜

二五〇

青巖傅氏宗譜

二六六

龔

三一七

松門龔氏宗譜

三一七

松門龔氏復振祠宗譜

三七〇

胡

四〇五

酥溪胡氏宗譜

四〇五

黃

四三九

洞門黃氏宗譜

四三九

金

五〇九

崇儒金氏宗譜

五〇九

劉

五八七

湖門劉氏宗譜

五八七

樓

六〇五

金峰樓氏宗譜

六〇五

梅溪樓氏宗譜

六三三

銅峰王阡樓氏宗譜

六九三

陳

石樓陳氏宗譜

石樓陳氏宗譜序

竊謂家之有譜猶國之有史也譜以紀載祖宗本始之原後世子孫興替之迹亦猶史以紀載一國政治之得失歷代人物之盛衰也觀譜則知家矣觀史則知國矣史之當修而譜之尤所當修者也夫家譜既修矣俾後世之爲子孫開卷一覽之餘則知某祖始封於某國某祖遷居於某鄉娶某氏生幾子女嫁某婿姓某生卒於某年葬埋於某地皆將自本達枝由源遡流而數千百年之遠如指掌之易見矣譜其有益於家豈小小哉粵稽我姓陳氏之先出自有虞帝舜之後至周武王分國封姓之始以舜三十世孫名嬀滿者爲陶正有利用於民故封於陳以奉舜祀及以元女太姬妻子號陳胡公厥後因國爲姓子孫衆多散逸徧天下歷秦而漢至六朝陳上王爲南朝博士生三子長奎先次霸先幼淡先乃漢陳太邱之七世孫也霸先事梁武帝誅亂臣侯景有功封丞相加九賜後伐梁而有天下號陳武帝傳文帝監海皇宣帝五傳至後主叔寶淫無度冬月剪綵爲花作清夜游玉樹後庭花之曲教女學士數百月夜浪游西苑馬上歌唱盤樂怠傲流連荒亡爲隋文帝所併國乃亡羣弟諸王各散而之他郡奎先之子始安王則徙湖州之安吉至六世有光忠尚書之後則

自安吉徙居台州厥後相國曾孫有諱坎字子成行震十七傳五世諱洪行豫九者中大宋嘉定丁丑乙榜進士署東陽儒學教諭五年中卒勞致病卒于公廨卜縣北二十五里小嶺東大嶺西侯母嶺之原生二子長諱衡行二回原藉次諱衍行晉五結廬守墓遂留家焉今東甘泉鄉之陳村是其基址也至四傳升八助教家始大人益衆號冲夷居士娶王氏生四子長諱闕行常一次諱闕行常二次諱開行常三幼諱閑郎大猷行常四餘遷亭塘獨常四府君登進士授從仕郎始遷烏傷之東二十里許配夫人王氏生四子長肇亨字伯霄行百五次謙亨字伯明行百六再次讓亨字伯顯行百二十幼啟亨字伯乾行百廿三卒葬沙溪之木陳庵四子各近父墓至國初有諱廉字介夫者乃百六府君之六世元孫也洪武初年以才學優長人物後傑有司舉薦選吏科給事中彈劾不避權勢後因忤旨謫官不起其幼弟惠十公充千長生一子曰德一公一女適配於名門其地曰魯塘謝愷字舜卿由胃監出身授四川叙州府推官有惠政及民朝廷旌異崇祀鄉賢祠諡清惠公故今樓山塘下多抄沒官基田土者皆惠十千長之產業也後宗一派但和七和十一二兄弟移住東陽六十七都大嶺裏西山頭是爲始祖又有亭塘之千六公乃諱沐百二公之子常二公之孫徙居邑之春岡嶺下栽樣柴薪山場菓木收利甚厚有諱某者由吏員出身任典史今梅塢環城塢高倍雙溪蟠山與浦陽清塘等處庶而且富人丁繁矣皆千六公之後與吾上祖同宗分派者也自祖分遷之後讀書爲仕者代不乏人若夫萬一尚書萬四真官千十五處士之子萬六之子參軍萬七司理萬廿一郡馬千七運使千十學士萬六之子生清四上舍通七公教諭諸

濟七項背相望皆吾始祖之嫡派曾元孫也通七教諭諱樵字君采裁鹿皮爲衣因號鹿皮子淹貫聖賢之學士深洙泗之旨乎生不樂仕進臺憲重臣文章舉薦堅辭不就乃來歸隱吾家之石樓山中大霞少霞等洞著書立言垂訓後世時或攜朋邀友興宋景濂先生黃文憲公潛輩登高覽勝撫景舒懷酌酒賡詩吟詠爲樂所遺雜稿有石樓山文集石樓山詩集碧落洞醒醉石望月臺陳氏山林雜興等詩之作東陽杜公運儲刊印石樓山集又附載東陽縣誌皆可稽矣又考舊譜具載台州臨海新昌天台等派而東陽之亭塘根溪烏傷之石樓金山皆族屬也成化年間天台陳恭愍公選別號克庵官爲提學副使陞國子監置酒曾來祖家會族通譜欸留逾月由是觀之則吾宗之族派宗支出自帝王之後名公鉅卿簪纓相繼文人墨士先後輝煌榮耀當時流芳後世聞簫韶而知舜德仰河洛而思禹功顧不偉歟思今宗譜不修則莫爲之前雖盛弗傳莫爲之後雖美弗彰而於先代之祖功宗德煙滅無傳後代之支派源流散漫無紀殆將視宗族如途人遇婚喪猶末務視疎莫識弔賀罔聞昭穆不分彝倫攸斁居中而猶外國類人道於馬牛仁義塞而風俗頹孝弟衰而凌暴作身不克修而家不能齊矣嗚呼痛哉予三歲失怙賴母賢明守寡育孤得至成立教習經書採芹邑泮慙無寸進愧負洪恩抱恨終天罪逃無地歸休林下二紀于茲恒念宗譜未修吾家缺典上獲罪於先人下遺羞於後世茲承叔父諱大昇字陽明行義七十六之嚴命俾予修之緬欣叔父且發尊祖敬宗之心固宜將順其美予慮犬馬之齒七旬四五西山夕照風燭難期失今不修悔後何及年雖衰朽敢不應承姑爲鋪叙世代昭穆行列次第究自封姓之始以

迄於今文雖不斐錄實而已若夫祖父伯叔昆季節婦烈女孝子順孫素有賢善德行著聞於世者則作爲譜牒以稱美之其餘或贊或傳或行狀或事實或墓碣誌銘等作則當求諸賢士鉅儒學貫天人識通今古言而世爲天下法者爲之乃予則老鈍一醜婦耳焉敢效顰施子而遺笑於後人耶謹序時大明萬曆二年歲在甲戌仲冬之望邑庠生奉例冠帶二十三世孫蘭坎頓首百拜撰

石樓陳氏重修宗乘序

邑之縉紳諸大家無如文忠公之族最爲繁盛同里雙溪固其華裔也自朱震十七先生諱坎者始遷烏傷創其居嘗習聞之矣至於世系大宗小宗之源流士宦或顯或晦之芳躅槩未予聞焉一日訪姻戚於陳君見其家有譜牒一編展而閱之其先世由嚴陵來家東陽四百餘里自宋南渡以歷於今時越七百餘載或散異郡或寓傍邑以致彪分昴析而於親疎隆殺之等井井有條蕃衍升擢之盈見矣進秩館閣以輔相天子者雲呈退隱泉石以明道自淑者迭出或握兵符或秉使節以及郡邑司牧而於科貢薦舉之類班班可攷衣冠人物信盛之矣若或祖以貴賤而黜陟則祖不得其真族以高下而取舍則族不得其正甚至如郭崇韜妄哭於汾陽之墓杜正倫見棄於城南之族以貽笑於當時趨趨然簪其尚多類是也今觀其賢能輩新輯家乘自鼻祖咸六尚書僕射以孝義起家踵接相傳凡二十二世成帙釐爲三卷一圖像次傳著三遺文皆有所據而可考非無徵而不信譬猶天漢夕歛雲霞涓淨一色而星宿昭布於其間曰奎曰壁曰斗曰牛舉目而見名自有位置而無或紊亦同條其貫而無

異轍無一可議由是以辨同異以別尊卑如木之千枝萬葉本乎一
根水之千流萬派出乎一源無廷蔓之參差無積流之污濁可謂粹
然一本乎真純然一出於正以視崇禎正倫大不侔矣非予之所欽
羨而樂道者哉雖尋居雙溪以來其已上世次未能博訪備錄合諸
小宗而爲一大宗以廣其傳使咸知報本敦族興詩之禮揭斯譜以
遺子孫世世猶可尚已遂敬叙篇端爲縉雲鄉佳語云時萬曆歲次
乙酉仲冬長至日里人八旬逸叟白山盧錫拜撰

晚軒

不仕王侯所見真古今名利嘆時人林泉笑傲衣冠樸隴畝辛勞黍
稷陳創業惟先勤愛日傳家厥後樂餘春稱觴願效華封祝福壽彌
臻屬此身

敬庵

石樓之山知者少田園拱顧山水繞花香草色鳥笙歌犬吠雞鳴稠
密好青山綠水秀鐘靈蔭產人英居壽考孤峰獨鎮江底柱紅產不
染心似掃考槃在澗得所依傍笑功名何日了衣冠樸素忘尚文種
德一腔懷至寶烏紗鶴髮地行仙兒齒童顏恒不老芝蘭天祐皆馨
香繼後家聲殊表表敦實有乃積倉廩周濟貧民澤非少壽週花甲
又一旬金兒寶鴨雲烟渺我心叨愛表無儀聊觴一方醉逢島

芝山

台鼎無心慕鄉邦重德風襟懷耽靜裏身世樂閒中瑤草春容淡青

松晚景隆壽筵留客處端坐說崆峒

元故鹿皮子先生序并墓碣辭

嫠之東陽有隱君子戴華陽巾裁鹿皮爲衣種藥閭谷間當春陽正
殷旣落紅於飛花亭上亭下有流泉飛花墜池中與其相回旋良久
而去君子樂之日往觀弗厭既而入石樓山中太霞洞少霞洞著書
立說其書縱橫辯博孟軻氏而下皆未免於論議元統宋濂嘗候君
子洞中君子偶步出速坐海棠花底戒待使治酒醬設核親執壘獻
酬樂古調以爲歡酒已君子慨然曰秦漢而下說經善者弗傳傳者
多不得其宗淳熙以來羣儒之說尤於洙泗伊洛不類予悉屏去傳
註獨取遺經精思至四十春秋一旦神會心融灼見聖賢之大指譬
猶明月之珠失之二千年上自王公下及氓隸無不皇皇日索終不
可致牧豎乃獲於大澤之濱豈可以人賤而併失珠之貴乎吾今持
此以解夫經史然自謂當斷東說於吾後云濂乃避席而問曰其義
云何君子曰吾以九疇爲六府三事而圖書爲易象者不可誣以片
言統萬論而天下古今無疑義以庸言釋六經而野人君子無異詞
以天地萬物一體之謂仁以天下萬殊一本之謂義以節所行之謂
禮以神所知之謂智知天地萬物一體則經傳子史之會要一視萬
物之明萬殊之分正家齊國治而天下平矣濂未達請復問其詳君
子曰家國天下一等也等一而爾穰十焉等與穰一而視之其於人
則仁也分而視之穰有十等亦有十其於人則君臣父子長幼之等
異刑賞予奪之殊分所爲禮也視十爲十者禮之異視十爲一者禮
之同分愈異則志愈同禮愈嚴則仁愈篤者先王之道也分愈異者

志愈同故合視之穰反求其等故枚舉而銓次焉者差之銖釐則人已無別犬牙錯而不齊歛之不合而一不可見禮愈嚴者仁愈篤故治天下國家者不以禮則彝倫斁禮廢而仁亡是故洙泗伊洛朝夕之所陳者天下萬殊之分視聽言行之宜所操者禮之柄耳故學聖人者必始於禮焉而一統萬殊者孔子之一以於洙泗伊洛之言無不統理者也理一分殊之義廢則操其枝葉舍其本根洙泗伊洛之會要不可見章句折而附會興遺經不可識矣濂受其說以歸間嘗質之明經者或者曰近時學經者如三尺之童歡優於臺下但聞臺上笑語之聲而弗獲見其形所以不知其人惟人言是信君子之論偉矣或者曰伊洛之學大明於淳熙未易遽取舍之也自時厥後爲貧遊仕奔走於四方不獲再候君子以畢其說聞君子益以斯道爲己任汲汲焉惟恐不傳靡晷靡夜操觚著所見於書者成則刻梓示人復遺書於濂曰吾瀕死吾道苦無所授子聰明絕倫何不一來片言可盡也憂患相承亦不及往而天下日趣於亂君子之室廬亦燬於兵寓子壻王爲家留六年之久遭疾默坐一室不食飲者逾月實至正乙巳年十月戊申也君子姓陳諱樵其字爲君采時人因其衣鹿皮故又號爲鹿皮子表隱趣也其先居台之赤城宋之中葉來徙東陽縣北甘泉鄉太平里世爲衣冠巨族曾祖喜登仕郎父取青國學進士從鄉先生石公一鰲與聞考亭之學有忠節嘗抗章力詆權臣賈似道悞國及宋亡元丞相伯顏閱架閣見其章欲用之時君子幼學於家庭繼受易詩書春秋於李公直方其於天下之書無不讀讀無不解學成而隱邈然不與世接惟寤寐羣經思一洗支離穿鑿之陋形於談辨見於文詞恒懇爲人道之文詞於狀物寫情猶精然

亦自出一機軸不蹈襲古人遺迹讀之者以爲新逸超麗喻爲挺立孤松下風羣葩俯仰而莫之敢抗或就之學者則斥曰後世之辭章乃士之德澤時之清玩爾舍六經不講而從事浮詞綺語何哉少作古賦十餘篇傳至成均生儒競相謄寫謂絕似魏晉人所撰君子則諱之不復肯爲也君子足跡未嘗出里門而名聞遠達朝廷著之名卿若虞文靖公集黃文憲公潛歐陽文公元皆慕之以爲不可及移書次訪惟恐失之性復到孝父患風疾君子扶之以行歲久益勤後爲風痰所侵氣弱不能吐君子截竹爲筒時吸而出之母郭夫人沒君子不忍見其遺衣見輒捧之咽鳴而泣乎生未嘗言利苟非其義千駟萬鍾弗爲動家雖素饒於資痛懲膏粱之習惡衣菲食以終其身遇歲凶輒竭粟賑里間自取牟麥以續其食嘗發所藏錫以爲器工人持歸乃白金也悉易之或以告君子君子一笑而已嗚呼君子已焉世豈復有斯人哉君子所著書曰易象數說曰洪範傳曰四書本旨曰教經新說曰太極圖解曰通書解曰性理大明曰聖賢大意曰答客問曰石室新語曰淳熙糾集曰鹿皮子集曰飛花觀小稿合數百卷君子正配朱氏先若干年卒生六子延年喬年大年耆年昌年大年洪武壬子中鄉闈乙榜第一署徽州歙縣教諭側室范氏生逢年君子沒時惟喬年在餘皆先沒女三人其壻則王爲俞忠張紹先孫男十三孫女四適徐信俞本虞慶李徐喬年泊王爲以是年閏十極葬於縣西南四十里懷德鄉斗潭山之原縣長及學士大夫門子大咸會莫不洒淚葬後五年其高弟楊君芾乃爲撰列行狀一通而喬年同王爲持示金華宋濂再拜請爲銘嗚呼君子以超絕之資曠視千古若一旦暮其以師道爲己任而折衷羣言之是非不拘偏

明故義七十六府君墓誌銘

予忝卑官薄職先任南京衛經歷十年考功居最轉官陝西布政司理問所理問又五六年幸叨朝廷封贈之榮恩至渥矣念今年邁力衰不堪報效乞骸休致歸隱山林俾換優游以樂餘歲有從堂姪虞志諒袖出一紙楫而告予曰此姪塘東陳岳翁之行狀也卒而葬矣乞求叔父惠賜佳章敕某墓石永垂不朽姪之願望慰矣叔父其弗辭焉予思犬馬之齒逾七近八久涉仕途筆墨荒廢甚矣豈復能文乎哉雖然義不可却乃按狀而誌之曰

府君諱大昇字明陽別號西樓居義士七十六其行第也世爲縉雲鄉之石樓山下人伯昉翁之幼子祖茂林翁年登大壽冠帶榮身曾祖世龍翁創業垂統光前烈而裕後昆衍衍烈祖也諱樵字君采號鹿皮子先生諱大年字壽朋其先世也在城住五都上豐塘丁某之女丁氏安人其母也東陽白雲洞張某之女張氏其配耦也母與張氏姑媳二人皆淑姆儀嫻四德相夫教子宜爾室家婦中之傑出者也誕育四男曰淵曰源曰洪曰澄咸循雅飭遵領父訓知書知禮幹蠱克家而淵之與澄尤爲超卓之子一女淑娘胎適予華溪求爲墓誌之姪志諒是其壻也一寧是其甥也賴府君粧奩之助家益殷富吾門之翹楚也孫男十七人思才思良思善思秋思謙思讓思悌思怡思慎思卿思睦思太思盈思祿思麒思麟思解孫女一名十娘胎適東陽白坦吳繼英曾孫男及諸孫濟濟人品不凡若能作而養之訓而誨之將來成就未可量曰府君出名賢之後家學相繩書聲弗墜性資聰敏幼好讀書習舉子業不就謀充吏員求異路功名亦不

曲不尚詭隨必欲暢其已說而後已可謂特立獨行而無畏懼者也非天性傑出者其能之乎雖然淳熙二三大臣將以明道也若使君之生於其時與之上下其議論未必無起予之嘆而君子之衆說亦必藉其損益以就厥中則所造詣者愈光輝混融卓冠於後先矣天之生材相違而不相植每如此竟何爲哉然君子措慮之深望道之切其所傳者確然自成一家言殆無疑者世之人不察代異黨同常指君子爲過高是豈窺見其權度氣機者哉濂不敏竊有慕洙泗伊洛之學有志弗強日就卑近不足以測君子所至之淺深而欲君子進而教之豈能得哉今因請銘故備著昔日問荅之詞於其首後傳之儒林者尚有所稽焉其稱爲君子者君子蓋有德之通稱尊之也銘曰洙泗傳聖髓兮伊洛發遺精天人既混合兮陰陽悉包並無聞不開闡兮金石奏和平自茲益演繹兮白日中天行如彼菰黍稷兮芟去莠與稂春實成白粲兮詔使來者賞有夫起東海兮吐言一如鏞增語達幽隱兮訪使聲遠揚豈欲異途轍兮理致無終窮著書動盈車兮片言類括囊中有萬寶玉兮包絡無遺亡解之溢衆目兮環異吁可驚似茲海外珍兮神光曄如虹荷施琢刻工兮定可獻明廷下可奉公候兮上可奠方明胡爲墮空山兮枯槁埋光晶鹿皮剪爲裘兮我冠賽垂纓臨翫流飛花兮心與煙霞冥清風與逸氣兮橫絕宇宙中食道身自腴兮疇計祿位豐婆娑太霞洞兮卒以上壽終斗潭向東流兮內有八尺塋鬼神必呵衛兮靈氣結華英永爲文字祥兮千載如林聲翰林學士承旨中順大夫知制誥同修國史兼太子贊善大夫金華宋濂撰文開國翊運守正文臣資善大夫前御史中丞兼太子贊善大夫護軍誠意伯青田劉基篆額

就乃隱居田里稼穡爲生勤以克家儉以制用熟練世故無諂無驕故能肯構肯堂幹蠱用譽室盧產業日進日增比諸昆仲大徑庭矣垂老之年猛興一念思以予家宗譜未修大爲缺典彝倫失序昭穆不分九族乖離心甚痛焉特命從堂姪邑庠生坎山陳德馨諱蘭者以任其事資助紙筆創始纂修嗚呼其尊祖敬宗之心光前裕後之行誠莫有大於此舉者於惟府君仁孝之德孚格於天故皇天上帝臨下有赫而獲乃積乃倉之富古稀有五之壽多子多孫多蕃雖古華封祝堯之言不過斯三者而已翁今全而有之可謂難矣非陳一族中之挺生特出者耶惜乎坎山之草譜將成而府君已辭世矣痛哉生弘治庚申七月初四日寅時卒萬曆甲戌十二月初三日丑時享壽七十有五張氏安人生弘治甲子八月廿九日先卒月餘而享壽七十有一今合厝於本家之南一里許土名宅西塘邊太平橋上坐坎向離予因從姪志諒之請姑爲序其巔末以誌之云銘曰嗟茲府君世居東陳石樓山下注水塘潯山明水秀篤生偉人存心良善制行端淳遐福遐壽多子多孫田園廣拓倉廩充盈倏今雙老齊作仙賓藏金埋玉宅西塘濱風藏氣聚虎踞龍蹲刻銘貞石千載永存時萬曆丙子十月朔旦胄監出身迪功郎陝西布政司理所問理間前任南京左衛經歷邑人華溪誨齋虞文訓拜書

又義七十六府君諱大昇公係是本村三房嫡祖何代遠年湮忘却水木之由畿等若傲之餒自嘉慶五年議立常資奈有不合迨長次兩房聚集九人出資生息設春冬二祭圖隻像一幅以成己當是亦先祖之功德未泯而後裔之孝思不匱也爰爲之贊曰積厚者光大源遠者流長惟公之功久而不忘惟公之德晦而必彰九人名次世

佑士洪士家士龍士琴順餘彥接君生啟愛時道光丁酉季秋月吉旦派塘黃尊拜撰

明故迪一三府君墓誌銘

府君諱道生字汝發行迪一三姓陳氏世居縉雲鄉之赤金山下今名銅墩前陳是也唐光忠尚書之裔敬二府君其祖也畿四府君其父也賈氏安人其母也娶應氏生四子長曰隆次曰蔭再次曰元幼曰方皆能克承父志勤謹克家二女長適儒樓孫同四幼適白岸頭駱成九八孫男九孫女三皆適名門府君存心忠厚志行端壯勤以治家儉以節用孝親弟長睦族和鄰而又精通算法善能楷書掌理都圖流水冊籍向官府理戶門綽有餘裕惟其才能超衆仁善積身故膺天之養福壽無疆多子多孫蕃盛綿遠有如此者就謂善良之家天不報之以遐福耶易曰積善之家必有余慶又曰作善降之百祥詩曰天錫爾祚求綏後祿子子孫孫弗替引之書曰憚天祐於一德曆觀周易詩書之言惟府君足以當之夫何忝之有生於景泰丙子月日卒葬東川塘向離坐坎遠家里許府君曾孫暉玉二昆季持故祖行狀踵門而請於予曰吾祖卒葬逾若干年矣墓石未刻祖之潛德晦而未耀子孫不能闡微顯幽得罪先人大矣敢求鄉先生大人一文以爲之誌則祖居九泉之下亦欣感不忘矣予因其請故爲按狀叙其巔末以誌之於右并系於銘云銘曰烏傷之東兮有赤金之山惟茲山下兮氣萃而風團建宅于斯兮寢處而安安毓秀鍾靈兮七星聚其墩東川塘伴兮虎伏而龍蟠府君體魄兮埋玉於其間有子有孫兮世代出英賢引之弗替兮福履永綿綿如彼貞石兮前

久而俞堅富而有壽兮彌于萬斯年時萬曆歲在甲戌菊月九日南直隸楊州府高郵州寶應縣儒學教諭兼白鹿懷玉二書院山長邑之里人洋塘路江南煥書

明故盛三十九府君墓誌銘

義烏故盛三十九府君乃予從堂姪元華妻父之故祖也卒葬逾若干年矣墓未有誌誠缺典也姪領岳父之命執行狀一通來以示予求作誌文勒諸墓石以彰厥美真孝子順孫之盛衆也辭不獲免乃按行狀鋪叙其大概云夫府君姓陳氏諱兆勝字仕勇祥十八朝奉之次子成四府君之孫而洪十五朝奉則曾祖也居石樓山之下布袋堰之東北拱石樓之秀南朝西甌之峰陳駝之山聳其東堰流之水遶其西四獸遮欄八方擁護府君創屋建居田連阡陌真樂土也樂土樂土爰得其所娶安人葛氏賦性柔順持重寡言勤勞織紉相夫克家甚嫻婦道者也生三子一女長諱魁次諱容幼諱恭孫男四曾孫七曾孫女二一適東陽七郡石馬王即求予作墓誌之姪是也兒孫繞膝濟濟盈庭嗚呼府君修德於身行立於家能孝親弟長睦睦族和鄰無疾言傲色加諸人惟忠信仁厚處於世是德動天天惟眷德螽斯瓜瓞緝緝綿綿子而又子孫而又孫承繼無涯引蔓不絕務勤務儉無諂無驕幼讀壯耕夙興夜寐故皆廩囊充實屋業加增求無忝於所生克有光於先世猗歟盛哉府君生大明天順壬午年七月初四日卒嘉靖十一年壬辰五月十一日酉時享壽七十有一歲矣葬宅君之後碗窑山之麓西向布袋堰予既爲之誌又系之銘云銘曰嗟嗟府君涉歷多庚初秋四日彌月誕辰幼年聰敏壯歲軒

轟起家創業勤儉支撐督婦而織課子而耕七旬逾一命運欠亨一朝不祿冥途上行碗窑山麓體魄斯埋地靈人傑子孫崢嶸誌銘勒石而世錚錚時萬曆歲在丙子臘月之吉邑庠生眷弟王文昌拜撰

明故玉四十七府君墓誌銘

予忝中隆慶辛未科進士官居六察之末糾彈所係職任匪輕朝夕每思補袞拾遺揚清激濁以供乃職求副聖天子委任之重焉耳退食之暇適有莊鄰熟識陳子景詳來爲威南塘部將陳錦溪營下掌書記事自邊到京執贄竭子再拜而建言曰恭惟大人先生學貫天人識通今古宏詞博學高擢巍科錦綉文章士林翹仰先君不幸卒葬多時隱德弗耀是吾爲子不肖無能將順其美得罪大矣敢求賜一嘉言勒諸墓石以垂不朽則先君雖在九泉亦感恩瞑目矣哀懇再三馬予思世之爲人子者生不能養死不能葬葬不能祭者比比皆是也而況父歿之久猶戚戚於心不忘父德者乎通族咸稱子之孝良可尚也秉彝好德之心曷惟其已遂按狀而爲之誌焉蓋府君諱道元姓陳氏行玉四十七盛四十六朝奉其父也祥二十朝奉其大父也成四朝奉其曾大父也世居石樓山塘之傍三代積德鄉稱善民安人樓氏婦道甚嫻側室胎孝篤生四子府君其冢男也爲人自幼不凡與他兒迥異迨長轟烈剛毅不畏強禦耿介正直不尚詭隨凡人有過而斥不諱一味至剛不撓不屈自壯及老熟練世故如凌寒松柏色愈蒼翠而又孝奉二親友愛諸弟訓子課孫敬長慈幼生財有道家業日興置買沃產腴田不計價值高貴勝祖強宗光前裕後誠陳姓中之不易得人也配四都南塘金氏望族女也幼熟姆

訓四德克嫻主饋縫裳爲良內助生四子長景德娶麻車塘蔣氏生五孫男一孫女次景行亦娶蔣氏生二孫男一孫女三景循娶南塘金氏生四孫女（下缺）孫男景祥即請予作誌銘者是也娶九里江王氏生一孫男一女適諸暨礦亭何行肅二十五孫男十一文科文慶文興文鳳文完文亮文彩文彰文彪文元大進六孫女適在城朱川宗適本都儒樓孫懷宗適東門樓三重適三都井頭趙惟鳳適活魚塘施十官幼在室嗚呼惟茲府君平素德足以合天心故惟祐積德至今盈庭紹砌腴田腴產徧野連疇構建創室臨水面山魚躍鳶飛天道雲影稟山川之秀能育允嗣之英豪幼從父訓攻舉業不就後來爲邊帥書記其子景祥亦在邊守禦他日功名成就光大門閭未可量也昔趙普公以書記發身後登首相輔弼兩朝安知今日之景祥非他年之趙普乎予深有願焉府君生弘治癸丑十一月初五日未時卒隆慶庚午九月初四日戌時享壽七十八歲葬上墳頭東向銘畢而爲之銘曰府君狀兒頎然而長府君德性然毅而剛祖父三代惟善惟良彝倫克敦聞望愈彰貽謀燕翼厥後克昌玉埋既久德晦未光誌銘刻石百世鏗鏘賜進士出身文林郎北京江西道監察御史前任直隸鎮定府推官邑之華溪養純虞懷忠撰

明故尚六府君墓誌銘

予奉朝廷敕命差往廣西布政司各府州縣衙門恤理冤獄甄拔虧枉方啟行間飲餞於堂弟朱良仁家酒酣出一紙進而與予言曰此儒人故祖石樓山陳尚六太翁之行狀也卒葬逾若干年矣墓石未

刻隱德弗耀敬奉岳父之命乞求兄長大人賜一金玉徽音刻諸墓石用增光彩則岳父與岳翁存沒皆感佩矣弟願竊有請也予思久涉仕途筆墨荒廢然念弟之戚眷則予戚眷也義不容辭遂按狀而爲之誌府君姓陳氏諱滔字德潤行名尚字第六乃玉十朝奉之冢子盛一八朝奉之長孫曾祖則祥二朝奉是也世爲義烏之石樓山塘人邇其本源出自唐光忠尚書之後宋夢弼郡馬之孫屢世簪纓名家宦族自常四府君與弟三百二十府君遷居此土克昌厥後滿羸好施惟教一經代生偉人國初給事陳廉世而繼之府君乃給事之八代孫生後而聰俊岐嶷異常兒知書知禮識尊卑上下謙以處衆和以待人無疾言傲色無驕氣厲容油油然興宗族鄉黨無不悅而宜之敬而信之立心制行篤實至誠無一毫虛僞以斯誑於人且能勤治家詩書教子創居置產嫁女婚男俾粧奩盡善盡美謀猷遠大識見高明卓哉一族之巨魁也厥配四都南塘金氏亦巨族克嫻婦道宜室宜家內助之賢無出其右生三子長文榮字本仁行端三二娶四都魯塘謝氏次文華字本中行端八六娶在城戚氏幼文貴字本良行端廿一娶本都湖山駱氏又生二女長適本都活魚塘華伯寧朱紫金光祿大夫諱佐之元孫也幼女適在城洞門黃惟選元贈文憲公諱之潛元孫也孫男七人良玉娶洞門黃氏良璧良器聘在城黃園李氏良珍良琳良寶良琪惟性皆乖覺聰明勤學好問他日教養成就頭角崢嶸青雲之偉器也府君之長孫女適泮塘朱良仁即請予作墓誌者是也嗚呼予尤欣羨府君三子之賢皆能幹蠱用興肯搆肯堂產業益增家資愈盛倍徙於府君之在日也雖河東三鳳之稱不是過也女孫四壻皆出閭閻世家名門宦族人物英

俊卓哉奇才雖坦腹東床之選不是過也府君生大明弘治七年甲寅五月初十日子時卒隆慶二年戊辰六月初十日戌時享壽七十五歲葬屋上下墳近大路頭乾巽向誌畢復系之銘銘曰有美一人今世居西陳存心忠厚兮賦性溫醇處事不苟兮制行端凝增光宗祖兮邁衆超羣富而且壽兮有子有孫一朝不祿兮舉族哀臨穴在路傍兮體魄安存毓靈鍾秀兮福佑後昆萬年富貴兮如岳如岑勒銘貞石兮天地無根時大明萬曆丁丑不浣之吉賜進士出身奉直大夫北京刑部福建清吏司員外邑人泮塘朱瑞陽湘撰

石樓山記

縣東二十五里有名白巖山高五十丈周十三里四面孤絕兩山對峙遠望若浮圖狀山東西有溪深數丈東厓之上巖者四面巖之東由石徑行至第三級有天然石闌護其外西有數穴狀若房闔一巖層級高下數重若樓閣然層巒環之若屏幄然至於元朝年間蔡之東陽有姓東諱樵字君采號鹿皮子隱居其間著書立說常與諸大夫登高覽勝撫景舒懷酌酒吟詠所遺詩集雜稿附載東陽縣誌後於大明年間其子大年號石樓大觀忝中乙榜授徽州歙縣儒學自知不凡之態辭榮致歸繼述父志窺見此山祥雲覆頂瑞氣升騰是以隱人練性成神威靈顯赫民安物阜黎庶感仰建廟塑裝四時酬享萬壽無疆大明洪武八年詔有司立社學延師儒教民間子弟設立社學申報於此又正統元年令各處縣官嚴督社學不許廢弛俊秀者許補生員天順六年敕諭曰古者鄉閭里巷莫不有學即今社學是也弘治十五年又令社學崇禎一十年知縣熊人霖立九社

課曰縉雲鄉石樓社學者是至今歷年已久學所以廢基址尚存是以爲記里人王禕書

大嶺八詠

優貢盧正珩

西山飛鳳

不是虞庭覽德輝如何克致鳳于飛蒼松作羽肖乎否丹嶂爲冠是也非翼展乾坤常宛在頭昂霄漢不知歸翔風舞日應千古五色朝陽映翠微

東嶽鬪雞

劇愛東山勢元奇巖如雞鬪正相宜聳身峭峙疑威敵昂尾崢嶸似力追不爲風霜雄氣減豈緣雨雪怒心衰遙看我立形剛戾幾歷千秋總若斯

小谿皓月

天光如水平如天月印溪間上下圓爲愛清流行緩步緣憐皓色夜遲眠鏡浮水面偏難照珠點波心未可穿擬買小舟挈良友聯詩鬪酒甚陶然

古井溫泉

村邊古井歷千秋泉水涓涓分外瀏湧出溫濤誰沸也汲來炎液果煎不天寒却有祥烟起歲冷還多煖氣浮好擬文川兼讓水居人品望即清流

燕山鐘響

白雲深處響重重知是燕山破曉鐘寺遠未聞投片語聲洪無礙隔

層峰噲啞欲醒迷人夢
瀏亮堪清俗客胸
百八敲殘春睡足
餘音入耳甚春容

豬嘯樵歌

不知何處發清歌
豬嘯樵夫逸興多
譜出紅腔留石徑
翻來紫韻度山阿
陽春妙唱喉如管
夕照斜臨手違柯
詠罷而歸時已晚
黃雲一攬看挑過

靈巖冬雪

冷逼重衾話昨霄
靈巖積雪目光搖
分明螺髻粧千點
隱約雲鬟老一朝
絕頂有花皆玉蕊
高峰無樹不銀條
倚門對望寒流處
壁嶂瓊巒景倍饒

道嶽春雲

春雲出岫惹霏霏
道嶽相看人未歸
梅嶺模糊千疊罷
桃林掩映萬重圍
氤氳拔地環青嶂
纓纓垂天鎖翠微
忽捲忽舒風蕩處
子規啼響不知飛

西山八詠

拔貢龔秉琳

奇巖雞鬬

東望聳奇巖
峨立如雞鬬
任經風與霜
崢嶸垂宇宙

吉地牛眠

是處非桃林
誰則牽牛放馬鬣
從此封厥地
牛眠像

覺山鐘響

一夢引初回
雞鳴天欲曙
鐘聲向遠聞
古寺知何處

道嶽樵歌

何人登道嶽
遙聽發清歌
任是樵夫傲
臨風樂若何

楓丘紅樹

長空雁一聲
秋色山川徧
霜乾樹樹紅
夕照楓邱綯

蕨坂青禾

極目青禾處
山光迥不同
采薇歌在耳
黍稷賽皋東

方塘蟾鏡

寒月印方塘
分明珠一顆
還疑帝女妝
誤把菱花墮

小井龍泉

井底涓涓湧
非關九仞深
地靈龍氣足
泉水出山林

雙溪陳氏宗譜

陳氏歷代公侯世表

陳氏初封於陳子孫氏其國也諡爲胡公胡公子群傳國十有二世諡宣公又諡桓公名鮑遂併於楚地在陳州子孩世居者惟太邱長實公矣楚併於秦諱涉首偁大義爲六國報仇至漢諱平六出奇計佐命拜丞相諱忠仕安帝尚書令諱蕃仕靈帝尚書右丞相後遷太尉子四長昌言仕蒲州守次鼎爲太子洗馬三昂仕關内侯幼允爲監察御史其後官至州省散居不一震者仕雍州刺史歙州霖者仕給事中居睦州曰耀爲銀青光祿大夫居衢三曰輝爲金紫光祿大夫居吳興鎰官拜太子司徒居廣信府季長爲徐州刺史居括蒼孫道爲荊州刺史惟我太邱長實公三世賢良名傳寰宇元孫準者仕晉初太尉孫逵永嘉中南遷爲丞相緣者爲長城令居吳興金紫光祿大夫輝者亦太尉公之後也至霸先仕梁大同中參軍累功陞擢遷至宰輔遂受梁禪歷五主通治三十餘年其後宣帝仲子叔達仕唐右納言居潁川季子叔達仕唐吏部尚書居襄漢還守吳興而後主長城公嫡派諱光忠號白夷行者仕文宗開成間吏部尚書左僕射復居安吉阡公唐宣中朝一試而科中省元仕至國子祭酒兼侍御史至僖宗乾符末年黃巢兵亂太湖遂從湖州避居發永之間上邇太邱亦可聊究世遠居曠難以盡載是以遷發阡公之祖光忠爲始祖嗣後宦職圖籍已審未暇詳贅於斯矣時嘉祐戊子八月既望

晦庵朱熹撰文孫迪功郎望謹書

吳寧根溪陳氏宗譜源流序

繼天立極混沌初分定天墜地結繩而治天生伏羲分八卦而定陰陽神農和藥性而教民稼穡黃帝協律呂而垂衣裳三皇之法悉具於書至我祖胡公媯滿奉舜之祀封於陳州以國爲姓凡陳氏者皆舜之後也後南朝八達乃陳上王而育三子長曰奎先次曰霸先幼曰談先督勤協力爲梁武帝開闢疆土削平禍亂有功於朝遂爲將相因侯景之亂據婺州勦平而賜陳王加以九錫遂受禪而即帝位至長城公荒淫酒色爲隋所逐其後皇孫帝胄創居各郡初至永康各族裔連猶存先帝之流澤但依祖諱可續而續之遂葺而藏之以致吾宗之不替者豈在不聊不續而修葺之可得而承其統緒哉特序以示後之孝子順孫敬宗睦族者歟抑亦爲後之賢子賢孫瓜瓞綿綿哉歷三十年爲隋所併嗣後散居各郡至光忠爲吏部尚書孫宋朝中省元官至國子祭酒黃巢兵弄太湖自湖州避地發永之間季子元達拓居吳寧瑞山鄉之根溪以光忠爲婺州陳氏之始祖也嗣後世沐綸褒簪纓不絕豈非祖宗之所致歟嗚呼自予邇太邱九百十八餘年矣而潁川之流澤卒不可斬吳興吳寧予將濬而深之使其汪然沛然騰而雨露決而放江海不知可乎否也用叙譜首披其編者庶知宗之所而得以報本於先世云時景定二年八月望日賜進士第禮部侍郎轉陞架閣尚書十三世孫大猷盥手謹識

陳氏宗譜世系序

嘗聞枝榮者根茂流暢者源長其所從來者遠而德澤必深也古爲郊社之禮禘嘗之義蓋亦以返始而報本云余今幸得爲人當考究宗源垂示來裔使後進者不忘所自也按吾陳氏系出姬姓軒轅黃帝八代孫諱舜者姓姚氏堯帝時始耕於歷山陶於河濱漁於雷澤受堯禪而登帝位在位五十年而禪禹舜子商均世守河濱之業居於媯其間潛跡歷夏商千有餘年至周武王克商大封先帝之後有虞陶父仕周將元女妻子滿而封於陳子孫遂氏曰陳其子姓皆舜之後也胡公子群傳國十有二世諡桓公爲楚所滅其地在陳州潁川以是爲郡子孫世居惟太邱長實公爲其後南朝八達乃陳上王之季子霸先爲梁武帝宰輔平侯景之亂遂有天下號爲武帝國號曰民陳改元永定壽六十在位三年傳四主是同源殷殷然而來請謁於吾以乞其序吾念其敦本睦族之雅意乃不吝敷辭而爲之叙嘗稽陳氏出自虞帝其裔胡公爲周陶正配元姬兆封於陳遂賜爲氏無如遭秦焚滅世不可考及南陳諱伯先公由宜興仕梁代位而有天下號曰武帝傳五世而亡子孫散於他邦歷隋與唐遊仕宦之途諱項字光忠公者處台州位至尚書功著當時受君恩敕書彰明較著至於宋登科甲者不可勝數諱洪公登進士居富春授東陽教諭卒於任殯甘泉鄉小嶺內山澤口也生二子長諱元壽還歸故里次諱元寶守父墓遂卜居焉迨七世遭兵亂諱忠善忠譽公兄弟避難分遷至元朝諱性字取青公遊國學進士章抵宰執隱居不仕其子諱樵字君采更爲大儒號鹿皮子者家食註書才冠一世名震天

下朝廷聞之伯顏丞相詔書屢下而不應（下缺）賜進士第江西按察司年弟趙如平拜撰

亭塘陳氏族譜序

譜之爲義以其言之普也惟其言之普則紀載之詳可以垂於將來是故年譜之作於晦庵文譜之作於邢藏酒譜之作於王績花譜之作於賈耽其類固不一矣至於族譜之作雖嘗聞之而泊於自作則未之知也余知友斯相翰林助教也居富春晉國公之雲孫廼祖侍御公左遷創居爲東邑之望族雖由官邸邃於心學者也戊寅春自編族譜遠以示余細閱之無非克叙彝倫善承先志者也豈徒侈觀云乎哉或曰眉山蘇氏族譜之作出於門爾也余曰否贊嘗出於人加之也者泉之自作君子不以爲嫌焉亦功出於人稱之也孔子之自序君子不以爲嫌焉斯相族譜之作自從父以至高祖蓋得之於家庭之詳也自高祖以至鼻祖蓋得之於探悟之早也自鼻祖以至始祖蓋得之於淵源之深也夫言發於聲而本於心是故心實者則言實言實者於事無不實余與斯同事翰苑利斷金之交三十餘年於茲矣自心曲之微以至於百爲彼此無不相信惟其相信以心則心無不實而其言其事之實可知語之於人而人信之傳之於後世而後世信之對越於天地而天地亦無不鑒之可謂不實乎夫天之所以爲天一而已矣聖人之所以爲聖誠而已之人之所以爲人實其心而已矣既實其心以全人道是之謂聖學是之謂希天豈直族譜而已乎余謹序其首以永斯相來裔世守之傳云時嘉定十二年己卯仲秋既望實謨閣侍制兼翰林大學士國史院編修會稽放翁

陸游拜序

亭塘陳氏家乘序

聖人之心視天下猶一家以萬物爲一體是故道可以一而貫不可以蹴而至也蓋治國平天下之道莫不自修身齊家以致之修身者何親親之謂也親親者何尊祖敬宗之謂也今東陽亭塘陳氏君采文學博粹爲一代之儒宗惓惓以是爲念修影堂則昭穆儼然新宗乘則倫叙昭著比闐闐澆漓之俗大逕庭矣一日出所輯宗乘授潛爲序邇其源太平里之有陳氏始於戶部尚書晉國公次子侍御史謫東陽縣學諭因家其地佩王鏐鏘踵接以迄於今雖代不乏仕然猶未甚顯到護定侯辰州按撫六部架閣提點刑獄使者兄弟父子巍科聯捷要秩並擢而家聲大振矣世俗尼於妻子而不及乎手足之愛者忘其親者也溺於勢利而失宗族之大義者忘其祖者也忘祖忘親之人求其親親仁民之道其可得乎故孔子謂顏淵曰一日克己復禮天下歸仁焉蓋盡分曰禮體道曰仁分之親疎雖有服盡情之言而道之本體初無期功緦麻之殊張子猶以民吾同胞物皆吾與而況於族屬之親哉嗚呼古之人而親其親長其長自疎以及遠莫非皆吾親者聖人之仁也今之人各親其親各子視宗族猶吳越者世俗之陋也良可慨也惟君采先生裔出漢大邱陳實宜都王叔明之後世以孝義相傳舉彬彬然繼承而繼述之可謂得親親仁民之道矣陳氏子子孫孫披圖而觀萬枝千派同於一祖則雍睦之風愈久而愈盛豈不偉哉是爲序時至元五年己卯仲冬上旬之吉眷弟黃潛拜撰

陳氏續譜序

夫人不可一日無者孰不曰金木也水火土穀也而人之疲精勞神急急焉必欲求足其志願者又疇能外此六府者乎是數者之重天下急於民生夫人而知之矣若無譜牒之於人寒不可以爲衣饑不可以爲食非若六府之切於食用而顧家置戶設自天子以至於庶人代纂世緝儲石渠藏簡篋而重之與金璧等者夫亦有其故也故知者急焉愚者忽焉蓋久而不輯則人忘世遠靡所考究往者既不可稽渙者無由而萃昭穆混淆諱行不識甚者乃有孫亡其祖之諱姪冒其叔之名又有甚者延歷數世遂失祖考之葬地索異姓蒿荒坵而祭之是緩其所急輕其所重之弊也生粵觀陳氏之譜潦潦然迄今百有餘歲而其間之名諱生卒年月日時遺亡散逸十且八九諱春文潮思敬文旺子亨一日興崇本之思愴然奄惕然懼而且深用以爲恥恐先人之德業屬隕於其身於是旺生纂修再拜而囑吾曰儕昧學不諳今古維先生善爲之俾久湮之世澤既絕之餘旁求博採遞世數分長幼別昭穆綴數千百年之源委燦然復明春與潮等死且不朽噫可爲知所重而急矣爰啻大府云乎哉時萬曆己酉年仲春吉旦

陳氏重修宗譜序

蓋家之有譜猶國之有史也譜者以記氏族之由來史者以知宗室之統緒夫家與國事相同也譜與史理相一也家無譜則不知雲仍之所系國無史則不知鼎革之先後數十載之下譜與史其可闕而